

(A) Gonyo misumba mondo obed thuolo (B) Kaok inyal to itweyo kendo dueche ariyo moluwore maonge gonyo. (C) Kaok inyal mano to ipidho jomodhier piero auchiel [60]. 3. Ka ng'ato ogolo pii kodhi ka omulo dhako kata onyodhe kata tim moro amora kuom gombo. 4. Gimoro amora machalo gi chiemo kata metho: kaka riwi mamedo teko. To riwi mana ma pile to ok keth tweyo mar ng'ato. 5. Chuero remo kuom saro del; ka osare mana matin mondo pim remo to ok keth tweyo ng'ato. 6. Rokruok ma ng'ato ng'oogi. 7. Ka ng'amadhako oyudo remo mar due kata ka onyuol.

GIGO MA OK OYIENI TIMO KA ITWEYO

1. Muonyo okego. 2. Nyodho chiegi nekech weche nyalo muomi. 3. Weche mag miriambo to gi fuong'o wach koni gi kocha gi kuoth. 4. Timbe mag ich wang' makelo miero gi jomoko. 5. Tweyo ndalo ariyo moluwore maonge gonyo.

TWEYO MA OK OCHUNO

*Ndalo auchiel mag due mar apar [Shawwal] kuom jalno ma otweyo Ramadhan tee, ber ka otweyo ndalogi bende aruya bang'eno.

*Odiocieng' mar Arafa: Ne jogo ma ok odhi Hajj.

.Odiocieng' mar Ashuraah: Odiocieng' mar apar mar due mar achiel [Muharram] kaachiel gi odiocieng' mar ochiko kata mar apar gi achiel.

*Odiocieng' mar wuok tich gi tich ang'uen juma ka juma.

*Ndalo adek due ka due ma en tarik apar gi adek, apar gi ang'wen to gi apar gi abich.

*Due mar achiel [Muharram].

*Ndalo ochiko mokuongo mag due mar apar gi ariyo [Dhulhijjah].

*Due mar aboro [Shaaban]. Nus mokuongo mar Shaaban kosekadho to ber ka ng'ato duoko piny ndalo motweyo nekech onego oikre ne Ramadhan mondo kik Shaaban gi Ramadhan makre.

TWEYO MA CHIK OK OYIEGO

Tweyo tich abich gi sabato ok oyieni mak mana ka ne tweyo ma chik oyiego odonjo ei odiocienge gi; kaka odiocieng' Arafa kata ka ichulo odiocienge mosekadho mane ok itweyo.

Mae nyiso ni tweyo ok ochuno kuome mak mana ni nyaka opidh jomodhier odiocieng' kodiocieng' ng'amodhier achiel kuom ndalo maok otweyogo tee. Nyaka opidhgi gi chiemo ma ichamo e gweng'no ma en kilo achiel gi nus. 2. Tueche mag ndalo machuok: kaka ka ng'ama dhako oyudo remo mar due kata ka onyuol. Dhako ma dhodho duto donjo ei kidienyni. To nyaka gichul odiocienge ma okadho kagisechango.

CHAKRUOK MAR RAMADHAN.

Inyalo fwenye koluore gi yore ariyogi:

.Ka ineno kata ka one due manyien. 2. Ka ndalo piero adek mag due mar aboro [Shaaban] orumo.

TIMBE MOWINJORE E KINDE MAG TWEYO

*Hidho seche mag chamo daku nyaka sechege mogik mag koguen.

*Ruyo chiemo ka oseland adhana modhiambo.

*Chako chiemo bang' adhana godhiambo gi tende manyien to gi pii. Kaonge tende manyien to kata motuo nyalo tiyo.

*Lamo dua mathoth ei odiocieng' kaachiel gi somo Quran ahinya. Golo chiwo mag sadaka, lamo Taraween to gi talo nying Nyasaye saa duto.

*Bedo gi ler mar wudhu saa duto ka po nono ni wudhuni okethore.

*Dhi e kiche matin mar Umrah.

*Ka ng'ato oyanyi kata gwandore kodi to iwachone ni "an atweyo, aluoro ketho tweyo mara gi gwandruok".

*Manyo Otieno mar Teko [Lailatul Qadri] kuom golo chiwo aruya aruya ei odiocienge apar mogik.

*Dak ei Msikiti [Itikaaf] kuom ndalo apar modong' mag Ramadhan.

GIGO MOYIENI TIMO KA ITWEYO

Oyieni mwonyo olao, bilo chiemo kitedo, luokruok, rudho lak, buko moo mang'we ng'aar, kata kudo pii bende.

GIGO MA KETHO TWEYO

(1).Chiemo gi metho king'eyo e odiocieng tweyo. To ka ng'ato ochiemo kata ometho kokia to onge richo; onyalo mana dhi nyime gi tweyo. (2) Bedo e achiel gi dhako: Ka ng'ato oriwore gi dhako odiocieng' mar Ramadhan to ochune nyaka to achiu misango maduong'. Magi gin kaka:

بِسْمِ الرَّحْمَنِ الرَّحِيمِ

TWEYO TIENDE NI ANG'O?

Tweyo saumu gi dho Jo Arabu tiende ni geng'ruok kuom chiemo, metho, bedo e achiel gi dhako to gi gik moko duto manyalo ketho tweyo chakre seche ma ugwe wang' nyaka podho chieng' ka magi tee itimo mana mar lamo Ruoth Nyasaye.

SIRNI MAG TWEYO

1. Keto geno mar tweyo e chunyi. 2. kwedruok gi gik manyalo miyo iketh tweyo mari.

KIDIENJE MAG KETO GENO MAR TWEYO

1. Keto geno mar tweyo mochuno: Ochuno ni nyaka to iket geno mar tweyo ma kiny otieno kapok ugwe owang'. Kamano bende oromo ka ng'ato oketo geno mar tweyo ka due ochakore mar Ramadhan. Geno iketo ei chunyi iwuon. Mano e kare. 2. Keto geno mar Sunna: En inyalo kete saa asaya e odiocieng' tek mana ni ka pok ng'ato obilo othonje. Omiyo gueth moro amora ikwano kaluore gi geno miketo.

KIDIENJE MAG TWEYO

1. Tweyo mochunore [Ramadhan to gi tweyo michulogo singruok] 2. Tweyo mag Sunna

CHIKE MOCHUNORE E TWEYO MAR RAMADHAN

1. Nyaka ibed Ja Islam. 2. Nyaka ibed gi obuongo maler ma ok janeko. 3. Nyaka ibed jal mosepogo ber gi rach. 4. Nyaka ibed ni intie e boma kata dala. [Tweyo ok ochunore kuom jawuoth. To ka otweyo to kik bed ni tweyono nyalo hinyo ngimane. Jaote Muhammad Kwee mar Ruoth Nyasaye obed kuome bende ne otimo kama: Ne otemo matek mondo gowi mar tweyo kik bed e wiye, ne otemo mondo otiek mago mochuno, kendo ne otemo mondo oyud gueth duto mag Ramadhan. 5. Nyaka ibed gi ngima maber. 6. Nyaka ibed ni ionge remo mar due kata remo ma bang' nyuol.

TUOCHE E KINDE MAG TWEYO

Tuochegi opogore e kidienje ariyo: 1. Tuoches maok thiedhre: Jal mang'ongo kata jobiese maok onyal tweyo donjo e kidienyni.

فقه الصيام و زكاة الفطر و العيد اللغة الجلاوية

LER KUOM YANGO CHIKE MAG TWEYO TO GI
CHIWO MAG IDD-UL-FITRI TO GI NYASI MAR
IDDI

Ondike gi:
Sheikh Haytham Ibn Muhammad Sarhaan
Japuon/ ei Msikiti mar Jaote, Madinah

Oloke gi Dholuo gi:
Sheikh Omar Al Bashir
Jatelo mar lando din mar Islam Luo Nyanza

*IPOGE NONO, OK EN MAR OHALA

الشيخ
هيثم بن محمد جميل سرحان
المدرس بجامع الشوي

LEMO MAR IDDI

Ma en lemo mar galamoro mochunore kuom Ja Islam
ma dichuo gi ma dhako kendo ojiugi mondo gidhi
gichokre e lamoni. Kata kamano, ka po nono ni lemoni
obayi to ok oyieni lame kendi kagima ichule.

SECHE MA ILAME.

Onego lame bang' ka chieng' osetuch kendo oting'ore
malo matin nyaka seche mag chuny odiochieng'

GIK MOWINJORE ITIM EKINDENO.

* Idwaro ni ji olem e alap moyangore ma jii tee neno,
ok ei ot kata obedo ni oyieni lemo ei miskide kata udi
mag lemo, ka koth chue kata nitie achuna moro ma
chik oyiego.

* Dwarore ni mondo icham tende adek, abich kata
abirio kapok ichopo e alap mar lamo Iddi

* Luokruok, wirruok gi moo mang'ue ng'ar kaeto
rwako lewni manyien kendo mabeyobeyo.

* Dhi e pap gi yoo achiel kaeto iduogo gi yoo
mopogore machielo.

* Mossruok gi mos mar Iddi ka iwacho ni: Taqabal
Allahu minna wa minkum [mad Ruoth Nyasaye yie
kodwa [tijewa mabeyo mag din] gi un bende.

* Golo sigweya mar Iddi ma en Takbeer: Allahu akbar,
Allahu Akbar, Allahu Akbar, Laa Ilaaha Illa Allahu,
Allahu Akbar , Allahu Akbar, Walillahilhamd.

CHAL MAR LEMO MAR IDDI.

Ma en lemo mar galamoro moting'o rakaa ariyo, ma
ilamo kapok jadolo ochako golo twak mare mar Iddi.
Bang' Takbir mokuongo, igoyo takbir moko auchiel
kendo kapok lamo ochakore. Bang' mano isomo Sura
mar Gonyruok [Sura Al Fatiha] kaachiel gi sura
machiolo ma Jadolo ohero mondo osom. Bang' kulruok
gi podho e lowo kaka pile, ichung' malo kendo e rakaa
mar ariyo. Sani koro Takbir igoyo dibich kende. Bang'
mano lemo orumo koro mana kaka pile.

TWEYO MA CHIK OKWEDO.

1. Chuogruok gi tweyo e dwe mar abirio [Rajab] 2.
Tweyo e odiochieng' mag achich: kaka tweyo
odiochieng' mogik mag Shaaban ka ng'ato chich ni
Ramadhan osedonjo. 3. Tweyo odiochieng' Iddi. 4.
Tweyo odiochieng' mag Tashreeq [odiochieng' mag
Iddi] mak mana ka in jagono mantie e Hajj to ne onge
chiaie monyalo yang'o. 5. Riwo odiochieng' ariyo mag
tweyo maonge chiemo.

CHULO ODIACHIENG' MANE OK ITWEYO.

Dwarore ni ng'ato ochul odiochieng' mane obaye ma
piyo piyo ka otieko chamo Iddi. Ok oyieni rito nyaka
Ramadhan mabiro koka irikni gi chudo. Wede jal
mane otho oyienegi chulone odiochieng' mane ok
otweyo.

CHIWO MAG ZAKAT AL-FITRI

Magi gin chiwo ma Jo Islam chulo ka Ramadhan
orumo, chieng' Iddi, En chudo mochunore kuom Ja
Islam moro amora man gi chiemo ma odiochieng'no.
Chunore ni nyaka igol chiwoni kaachiel gi jogo mantie
bang'e ma ong'iyio. Oyieni ni mondo igolene nyathi
mantie ei min be.

Ang'o momiyo ber ka igolo chiwo ni mar Zakat Al-Fitri?

1. Opwuodho jalno ma eka otieko tweyo due mar
Ramadhan kuom weche manono kata miriambo mane
owacho ka otweyo. 2. Okonyo jomodhier mondo
giyud chiemo chieng'ono mondo kik gikwechi.

ONEGO OGOLE SAA ADI?

1. Sechene ma pod oyieni gole: Kapok Iddi ochopo
kuom odiochieng' kata odiochieng' ariyo. 2. Sechene
ma chik owalo: bang' lemo ma kogwen kapok ji
olamo Iddi. 3. Seche ma mono gi gole: Bang' lamo
Iddi

ONEGO IGOL MAROMO NADE?

Onego igol saa'a [kilo achiel gi nus mar chiemo
michamo e gweng'no. Pesa inyalo mana golo ka imiyo
ng'atno madhi nyieo chiemo to pogo kuom chik mari
nekech ne ok iyudo thuolo mar golo chiemo.